

# LAMPIRAN PEMBERITAHUAN PRODUK

Pelanggan yang dihormati,

Lampiran Pemberitahuan Produk ini memberikan maklumat penting mengenai Insurans Kebakaran anda.

Tarikh: 04/2026

Pelanggan lain telah membaca Lampiran Pemberitahuan Produk ini dan mendapati ia bermanfaat; **anda juga patut membacanya.**

## 1 Apakah Insurans Tariff Kerosakan Bahan Kebakaran?

Insurans Tariff Kerosakan Bahan Kebakaran melindungi harta anda daripada kerugian atau kerosakan yang disebabkan oleh kebakaran, kilat, letupan, banjir, paip pecah, dan risiko lain yang dinyatakan dalam polisi.

## 2 Ketahui Perlindungan Anda

**Sebagai ilustrasi**, dengan premium **RM685.00 setahun**, anda akan menerima perlindungan insurans berikut dengan Jumlah Diinsuranskan **RM500,000** sekiranya premis anda digunakan sebagai Restoran dengan Klasifikasi Pembinaan Bangunan C1A:

Polisi ini <b>melindungi</b> :	Polisi ini <b>tidak melindungi</b> :
<p>Kehilangan atau kerosakan akibat:</p> <ul style="list-style-type: none"><li>• Kebakaran</li><li>• Kilat</li><li>• Letupan akibat gas untuk kegunaan domestik</li></ul>	<ul style="list-style-type: none"><li>• Kehilangan akibat kecurian semasa atau selepas kebakaran</li><li>• Kehilangan atau kerosakan harta disebabkan oleh penapaian sendiri, pemanasan semula jadi atau pembakaran spontan, atau semasa menjalani sebarang proses pemanasan atau pengeringan (kecuali sebagaimana dibenarkan di bawah Syarat 8(f))</li><li>• Kehilangan atau kerosakan yang berlaku akibat atau berkaitan dengan bahan senjata nuklear</li><li>• Sebarang tindakan keganasan (terrorism)</li><li>• Perang, pencerobohan, tindakan musuh asing, permusuhan atau operasi seperti perang (sama ada perang diisytiharkan atau tidak) atau perang saudara</li><li>• Kebakaran bawah tanah</li><li>• Pembakaran harta atas arahan mana-mana pihak berkuasa awam</li></ul>

Dengan **pembayaran premium tambahan**, anda boleh memperluaskan perlindungan untuk merangkumi:

- Kerosakan akibat pesawat
- Kebakaran semak/ladang (Bush/Lalang Fire)
- Pecah & limpahan tangki air, peralatan atau paip
- Rusuhan, mogok dan kerosakan berniat jahat
- Kerosakan akibat hentakan (Impact Damage)
- Kerosakan akibat pokok atau dahan jatuh serta objek daripadanya
- Gempa bumi dan letusan gunung berapi
- Ribut, taufan
- Banjir
- Pemasangan Elektrik Klausula A / Klausula B
- Letupan
- Tanah runtuh dan tanah mendap
- Kebocoran sistem penyembur (Sprinkler Leakage)
- Pembakaran spontan
- Barangan yang menjalani proses pengeringan/pemanasan
- Kerosakan akibat asap
- Penyimpanan Sejuk Klausula A / Klausula B

**Nota:** Senarai ini adalah tidak menyeluruh. Sila rujuk kepada kontrak polisi untuk senarai penuh pengecualian bagi polisi ini.

Tempoh perlindungan adalah 1 tahun. Anda perlu memperbaharui polisi anda setiap tahun.

Sekiranya anda mempunyai sebarang pertanyaan atau memerlukan bantuan mengenai insurans ini, anda boleh:



Hubungi kami di:  
1-800-888-458



Lawati laman sesawang kami di:  
[www.progressiveinsurance.com.my](http://www.progressiveinsurance.com.my)



E-mel kami di:  
[customercare@progressiveinsurance.com.my](mailto:customercare@progressiveinsurance.com.my)



Imbas kod  
QR di atas

### 3 Ketahui Kewajipan Anda

<b>Untuk insurans ini berdasarkan ilustrasi sahaja, anda mesti membayar premium berikut:</b>	
Perlindungan Asas	<b>RM685.00 (setahun)</b>
(+) Perlindungan Tambahan	<i>Tidak Berkenaan</i>
<b>Premium Kasar</b>	<b>RM685.00 (setahun)</b>
<b>Anda juga perlu membayar yuran dan caj berikut:</b>	
(+) 8% Cukai Perkhidmatan	<b>RM54.80 (setahun)</b>
(+) Duti Setem	<b>RM10.00</b>
<b>Jumlah Premium Perlu Dibayar</b>	<b>RM749.80 (setahun)</b>
<b>Di mana ini termasuk:</b>	
Komisen	<b>15% daripada Premium Kasar atau RM102.75</b>
<b>Note:</b>	
<ul style="list-style-type: none"> <li>Ini hanyalah ilustrasi. Jumlah premium yang perlu anda bayar mungkin berbeza bergantung kepada perlindungan insurans anda, pendedahan risiko dan kriteria pengunderaitan Progressive Insurance Bhd.</li> <li>Kadar Cukai Perkhidmatan tertakluk kepada kadar semasa yang dikenakan oleh Kerajaan Malaysia.</li> </ul>	

### 4 Terma-Terma Utama Lain

- Kewajipan Pendedahan:** Anda mesti mendedahkan semua fakta penting yang diketahui atau sepatutnya diketahui yang boleh mempengaruhi pertimbangan pengunderaitan kami terhadap cadangan anda, termasuk sejarah insurans dan kerugian anda. Semua fakta berkaitan mesti dinyatakan dengan jujur dan lengkap dalam borang permohonan insurans anda.
  - Perubahan Risiko:** Anda mesti memaklumkan kepada kami tentang sebarang perubahan material sepanjang tempoh polisi supaya pindaan boleh dibuat dan disahkan pada polisi anda.
  - Jumlah Diinsuranskan:** Pastikan harta anda diinsuranskan pada jumlah yang sesuai termasuk sebarang pengubahsuaian. Jumlah ini mesti disemak dan dikemas kini secara berkala supaya mencerminkan kos penuh membina semula atau nilai sebenar harta bagi mengelakkan kurang insurans. Jika harta diinsuranskan pada nilai yang lebih rendah daripada nilai sebenar semasa kerugian, anda akan menanggung sebahagian daripada kerugian tersebut. Anda boleh menggunakan Building Cost Calculator <https://bcc.piam.org.my/> sebagai rujukan.
  - Lebihan:** Ia adalah jumlah kerugian yang perlu ditanggung sebelum kami memberi pampasan.
  - Premium:** Premium yang perlu dibayar mesti dijelaskan dan diterima oleh Progressive Insurance Bhd dalam tempoh 60 hari dari tarikh mula polisi. Jika gagal, polisi dibatalkan secara automatik dan kami berhak mengenakan premium pro-rata bagi tempoh risiko yang telah ditanggung.
  - Tuntutan:** Anda mesti memaklumkan kepada kami dengan segera mengenai sebarang tuntutan dan mengambil langkah munasabah untuk mengurangkan kerugian atau kerosakan.
- Nota:** Senarai ini tidak menyeluruh. Anda perlu merujuk kepada polisi untuk senarai penuh terma dan syarat.

### ? Bolehkah saya membatalkan polisi saya?

- Ya. Anda boleh membatalkan polisi anda pada bila-bila masa dengan memberikan notis bertulis kepada kami. Setelah pembatalan dibuat, sebarang bayaran balik premium akan dibuat berdasarkan syarat-syarat yang dinyatakan dalam kontrak polisi, dengan syarat anda tidak membuat sebarang tuntutan. Syarikat boleh membayar balik premium yang terhutang di bawah kontrak insurans secara pro-rata atau mengikut tempoh pendek kepada Pihak Diinsuranskan dan mengekalkan premium minimum, kecuali jika pembatalan dilakukan dari tarikh mula polisi ini.
- Jadual Kadar Tempoh Pendek:

Tempoh Insurans	Peratusan Bayaran Balik Premium Tahunan
Tidak melebihi 15 hari	90%
Tidak melebihi 1 bulan	80%
Tidak melebihi 2 bulan	70%
Tidak melebihi 3 bulan	60%
Tidak melebihi 4 bulan	50%
Tidak melebihi 5 bulan	40%
Tidak melebihi 6 bulan	30%
Tidak melebihi 7 bulan	25%
Tidak melebihi 8 bulan	20%
Tidak melebihi 9 bulan	15%
Tidak melebihi 10 bulan	10%
Tidak melebihi 11 bulan	5%
Melebihi 11 bulan	Tiada bayaran balik premium

Manfaat yang dibayar di bawah Polisi yang layak adalah dilindungi oleh PIDM sehingga had tertentu. Sila rujuk Brosur TIPS PIDM atau hubungi Progressive Insurance Bhd atau PIDM (layari [www.pidm.gov.my](http://www.pidm.gov.my))